

四庫全書

集部

欽定四庫全書

集部

御定全唐詩卷六百十三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張鴻仁

欽定四庫全書

御定全唐詩卷六百十一

皮日休

奉和魯望漁具十五詠

網

晚挂溪上網
映空如霧縠
間來發其機
旋旋沈平綠
下處若煙雨
牽時似崖谷
必若遇鯢鮪
從教通一目

單

芒鞋下葑中步步沈輕罩既為菱浪颭亦為蓮泥膠人
立獨無聲魚煩似相抄滿手搨霜鱗思歸舉輕擢

罟

煙雨晚來好東塘下罟去網小正星蘓舟輕欲騰者誰
知葑深後恰值魚多處浦口更有人停撓一延佇

釣筒

籠籬截數尺標置能幽絕從浮笠澤煙任臥桐江月絲
隨碧波一作潭漫餌逐清灘發好是趁筒時秋聲正清越

釣車

得樂湖海志不厭華舫小月中拋一聲驚起灘上鳥心
將潭底測手把波文裊何處覓奔車平波今渺渺

漁梁

波際插翠筠離離似清蘂游鱗到溪口入此無逃所斜
臨揚柳津靜下鷓鴣侶編此欲何之終焉富春渚

叉魚

列炬春溪口平潭如不流照見游泳魚一一如清晝中

金史紀事本末卷六十一
目碎瓊碧毀鱗殷組繡樂此何太荒居然媿川后

射魚

注矢寂不動澄潭晴轉烘下窺見魚樂恍若翔在空
鷺羽決凝碧傷鱗浮殷紅堪將指杯術授與太湖公

鳴榔

晝日平湖上鳴榔仍動槳丁丁入波心澄澈和清響
鷺聽獨寂寞魚驚昧來往盡水無所逃川中有鉤黨

滬

波中植甚固磔磔如蝦鬚
濤頭倏爾過數頃跳鱗鯉
夫不是細羅密自為朝夕
驅空憐指魚命遣出海邊租

簾

伐彼槎蘖枝放於冰雪浦
遊魚趁暖處忽爾來相聚
徒為棲託心不問庀庀主
一旦懸鼎鑊禍機真自取

種魚

移土湖岸邊一半和魚子
池中得春雨點點活如蟻
月便翠鱗終年必頰尾
借問兩綬人誰知種魚利

藥魚

吾無竭澤心何用藥魚藥見說放溪上點點波光惡食
時競夷猶死者爭紛泊何必重傷魚毒涇猶可作

舴艋

濶處只三尺條然足吾事低蓬挂釣車枯蚌盛魚餌只
好攜橈坐唯堪蓋蓑睡若遣遂平生舴艋不如是

苓箬

朝空苓箬去暮實苓箬歸歸來倒卻魚挂在幽窗扉但

聞一作覺蝦蜺氣欲生蘋藻衣十年佩此處煙雨苦霏霏

添魚具詩 并序

天隨子為魚具詩十五首以遺予凡有獻已來術
之與器莫不盡於是也噫古之人或有溺於漁者
行其術而不能言用其器而不能狀此與澤助之
獻者又何異哉如吟魯望之詩想其致則江風海
雨槭槭生齒牙間真世外漁者之才也余昔之漁
所在澗上則為菴以守之居峴下則占磯以待之

江漢間時候率多雨唯以臺笠自庇每伺魚必多
俯臺笠不能庇其上由是織蓬以障之上抱而下
仰字之曰背蓬今觀魯望之十五篇未有是作因
次而詠之用以補其遺者漁家生具獲足於吾屬
之文也

魚菴

菴中只方丈恰稱幽人住枕上悉漁經門前空釣具東
竿時一作將倚壁曬網還侵戶上澗有楊顥須留往來路

釣磯

盤灘一片石置我山居足窪處著蒹篔

挂苑取殿共

竅中維

船艚多逢沙鳥污愛彼潭雲觸狂奴臥此多所以跼帝

腹

蓑衣

一領蓑正新著來沙塢中隔溪遙望見疑是綠毛翁襟

色衰牒

直筆切

靄袖香襟襪風前頭不施袞何以為三公

蒹篔

圓似寫月魂輕如織煙翠泔泔向上雨不亂窺魚思攜
來沙日微挂處江風起縱帶二梁冠終身不忘爾

背蓬

儂家背蓬樣似箇大龜甲雨中跼躄時一向聽霎霎甘
從魚不見亦任鷗相狎深擁竟無言空成睡齁

虛勾切 齁

虛甲切

奉和魯望樵人十詠

樵谿

何時有此谿應便生幽木椽實養山禽藤花蒙澗鹿不
止產蒸薪願當歌棫樸君知天意無以此安吾族

樵家

空山最深處太古兩三家雲蘿共夙世猿鳥同生涯衣
服濯春泉盤餐烹野花居茲老復老不解數年華

樵叟

不曾照青鏡豈解傷華髮至老未息肩至今無病骨家
風是林嶺世祿為薇蕨所以兩大夫天年自為一作伐為自

樵子

相約晚樵去，跳踉上山路。
將花餌鹿麋，以果投猿父。
東嶺新白雲，濕負擔春日。
暮何不壽童，烏巢為玄所誤。

樵徑

蒙籠中一徑，繞在千峰裏。
歇處遇松根，危中值石齒。
花穿泉衣落，雲拂芒屨起。
自古行此途，不聞顛與墜。

樵斧

腰間插大柯，直入深谿裏。
空林伐一聲，幽鳥相呼起。
倒

樹去李父傾巢啼木魅不知仗鉞者除害誰如此

樵擔

不敢量樵重唯知益薪束軋軋下山時彎彎向身曲清
泉洗得潔翠靄侵來綠看取荷戈人誰能似吾屬

樵風

野船渡樵客來往平波中縱橫清颭吹旦暮歸期同蘋
光惹衣白蓮影涵薪紅吾當請封爾直作鏡湖公

樵火

山客地爐裏然薪如陽輝松膏作滫思有切澹杉子為珠璣

響誤擊刺鬧燄疑彗字飛傍邊煖白酒不覺瀑冰垂

樵歌

此曲太古音由來無管奏多云採樵樂或說林泉候一
唱凝閒雲再謠悲顧獸若遇採詩人無辭收鄙陋

酒中十詠 并序

鹿門子性介而行獨於道無所全於才無所全於
進無所全於退無所全豈天民之蠢者邪然進之

與退天行未覺於余也則有窮有厄有病有殆果
安而受邪未若全於酒也夫聖人之誠酒禍也大
矣在書為沈湎在詩為童殺在禮為豢豕在史為
狂藥余飲至酣徒以為融肌柔神消沮迷喪頽然
無思以天地大順為隄封傲然不持以洪荒至化
為爵賞抑無懷氏之民乎葛天氏之民乎苟沈而
亂狂而身禍而族真蚩蚩之為也若余者於物無
所斥於性有所適真全於酒者也噫天之不全余

也多矣獨以麴蘖全之抑天猶幸於遺民焉太玄
曰君子在玄則正在福則沖在禍則反小人在玄
則邪在福則驕在禍則窮余之於酒得其樂人之
於酒得其禍亦若是而已矣於是徵其具悉為之
詠用繼東臯子酒譜之後夫酒之始名天有星地
有泉人有鄉今總而詠之者亦古人初終必全之
義也天隨子深於酒道寄而請之和

酒星

誰遣酒旗耀天文，列其位彩微嘗似酣。
芒弱偏如醉，唯憂犯帝座。只恐騎天駟，若遇卷舌星。
讒君應墮地。

酒泉

羲皇有玄酒，滋味何太薄。玉液是澆漓，金沙乃糟粕。
春從野鳥沽，晝仍門猿酌。我願葬茲泉，醉魂似鳧躍。

酒筭

翠篋初織來，或如古魚器。新從山下買，靜向甌中試。
輕可網金醅，疎能容玉蟻。自此好成功，無貽我蠱恥。

酒牀

糟牀帶松節酒膩肥如芥滴滴連有聲空疑杜康語開
眉既壓後染指偷嘗處自此得公田不過渾種黍

酒壚

紅壚高幾尺頗稱幽人意火作縹醪香灰為冬醱氣有
鎔盡龍頭有主皆犢鼻倘得作杜根傭保何足媿

酒樓

鈎楯跨通衢喧鬧當九市金壘激濫後玉笋紛綸起舞

蝶傍應酣啼鶯聞亦醉野客莫登臨相讎多失意

酒旗

青幟濶數尺懸於往來道多為風所颺時見酒名號拂
拂野橋幽翻翻江市好雙眸復何事終竟望君老

酒樽

犧樽一何古我抱期幽客少恐消醞醕滿擬一作烘琥

珀疑窺曾撲瀉烏蹋經歌仄度度醒來看皆如死生隔

酒城

萬仞峻為城沈酣浸其俗香侵井幹過味染濠波淥朝
傾踰百榼暮壓幾千斛吾將隸此中但為闍者足

酒鄉

何人置此鄉杳在人皇外有事忘哀樂有時忘顯晦如
尋罔象歸似與希夷會從此共君遊無煩用冠帶

奉和添酒中六詠

酒池

八齊競奔注不知深幾丈竹葉島紆徐鳧花波蕩漾
花

酒名出梁
簡文帝集

醺應爛地軸浸可柔天壤以此獻吾君願銘

於几杖

酒龍

銅為蚴蟻鱗鑄作鯨鰲角吐處百里雷瀉時千丈壑初
疑潛苑囿忽似拏寥廓遂使銅雀臺香消野花落

酒甕

堅淨不若窳陶於醉封疆臨溪刷舊痕隔屋聞新香移
來近麴室倒處臨糟牀所嗟無比鄰余亦能偷嘗

酒船

剡桂復剡蘭陶陶任行樂但知涵泳好不計風濤惡嘗
行麴封內稍繫糟邱泊東海如可傾乘之就斟酌

酒鎔

象鼎格仍高其中不烹飪唯將煮濁醪用以資酣飲偏
宜旋樵火稍近餘醒枕若得伴琴書吾將著閒品

酒杯

昔有嵇氏子龍章而鳳姿手揮五絃罷聊復一樽持但

取性澹泊不知味醇醅茲器不復見家家唯玉卮

茶中雜詠

并序

案周禮酒正之職辨四飲之物其三曰漿又漿人之職共王之六飲水漿醴涼醫酏入於酒府鄭司農云以水和酒也蓋當時人率以酒醴為飲謂乎六漿酒之醅者也何得姬公製爾雅云櫝苦茶即不撾而飲之豈聖人純於用乎抑草木之濟人取捨有時也自周已降及於國朝茶事竟陵子陸季

疵言之詳矣然季疵以前稱茗飲者必渾以烹之
與夫淪蔬而啜者無異也季疵之始為經三卷由
是分其源制其具教其造設其器命其煮俾飲之
者除瘠而去癘雖疾豎之不若也其為利也於人
豈小哉余始得季疵書以為備矣後又獲其顧渚
山記二篇其中多茶事後又太原溫從雲武威段
礪之各補茶事十數節並存於方冊茶之事由周
至於今竟無纖遺矣昔晉杜育有辨賦季疵有茶

歌余缺然於懷者謂有其具而不形於詩亦季疵
之餘恨也遂為十詠寄天隨子

茶塢

閒尋堯氏山遂入深深塢種蒔已成園栽葭寧記畝石

窪泉似掬巖礫雲如縷好是夏初時白花滿烟雨

茶經云其

花白如
薔薇

茶人

生於顧渚山老在漫石塢語氣為茶蒔衣香是煙霧庭

從擷

一作擷九字反其木如玉色者人以為杖

子遮果任孺師虜日晚相笑

歸腰間佩輕篋

茶筍

裊然三五寸生必依巖洞寒恐結紅鉛暖疑銷紫汞圓
如玉軸光脆似瓊英凍每為遇之疎南山挂幽夢

茶簾

篋勞曉攜去慕箇山桑塢開時送紫茗負處沾清露歇
把傍雲泉歸將挂煙樹滿此是生涯黃金何足數

茶舍

陽崖枕白屋幾口嬉嬉活棚上汲紅泉焙前蒸紫蕨乃
翁研茗後中婦拍茶歇相向掩柴扉清香滿山月

茶竈

南山茶事動竈起巖根傍水煮石髮氣薪然杉脂香青
瓊蒸後凝綠髓炊來光如何重辛苦一一輸膏梁

茶焙

鑿彼碧巖下恰應深二尺泥易帶雲根燒難礙石脉初

能燥金餅漸見乾瓊液九里共杉林

皆焙名

相望在山側

茶鼎

龍舒有良匠鑄此佳樣成立作菌蠢執煎為潺湲聲草
堂暮雲陰松窗殘雪明此時勺復茗野語知逾清

茶甌

邢客與越人皆能造茲器圓似月魂墮輕如雲魄起棗
花勢旋眼蘋沫香沾齒松下時一看支公亦如此

煮茶

香泉一合乳煎作連珠沸時看蟹目濺乍見魚鱗起聲

疑松帶

一作帶松

雨餽恐生煙翠尚

一作倘

把瀝中山必無干

日醉

石榴歌

蟬噪秋枝槐葉黃石榴香老愁寒霜流霞包染紫鸚粟
黃蠟紙裏紅瓠房玉刻冰壺含露濕爛斑似帶湘娥泣
蕭娘初嫁嗜甘酸嚼破水精千萬粒

御定全唐詩卷六百十一

欽定四庫全書

御定全唐詩卷六百十二

皮日休

奉和魯望四明山九題

石窗

窗開自真宰四達見蒼涯苔染渾成綺雲漫便當紗櫺
中空吐月扉際不扃霞未會通何處應憐

一作連
一作鄰

玉女

家

過雲

粉洞二十里當中幽客行片時迷鹿迹寸步隔人聲以
杖探虛翠將襟惹薄明經時未過得恐是入層城

雲南

雲南背一川無雁到峰前墟里生紅藥人家發白泉兒
童皆似古婚嫁盡如仙共作真官戶無由稅石田

雲北

雲北晝冥冥空疑背壽星犬能諳藥氣人解寫芝形野

歇遇松蓋醉書逢石屏焚香住此地應得入金庭

鹿亭

鹿羣多此住因構白雲楣待侶傍花久引麝穿竹遲經
時培玉澗盡日嗅金芝為在石窗下成仙自不知

樊榭

主人成列仙故榭獨依然石洞閑人笑松聲驚鹿眠井
香為大藥鶴語是靈篇欲買重樓隱雲峰不售錢

潺湲洞

陰宮何處淵

一作源

到此洞潺湲敲碎一輪月鎔銷半段

天響高吹谷動勢急歛雲旋料得深秋夜臨流盡古仙

青榼子

山風熟異果應是供真仙味似雲腴美形如玉腦圓銜
來多野鶴落處半靈泉必共玄都柰花開不記年

鞠侯

堪羨鞠侯國碧巖千萬重煙蘿為印綬雲壑是隄

一作提

封泉遣狙公護果教獼子供爾徒如不死應得躡玄蹤

五賦詩

并序

毘陵處士魏君不琢氣真而志放居毘陵凡二紀
閉門窮學是乎里民不得以師之非乎里民不得
以嘗之用之不難進利之被人也捨之不難退辱
非及已也噫古君子處乎進退而全者由此道乎
抑夷之隘惠之不恭不能造於是也江南秋風時
鱸肥而難釣菰脆而易挽不過乘短舫
方言曰船短而深者
舫謂之載一甌酒加以隱具由五瀉涇入震澤穿松

陵抵杭越耳日休嘗聞道於不琢敢不求雅物成
雅思乎於是買釣船一修二丈濶三尺施蓬以庇
煙雨謂之五瀉舟天台杖一色黥而力道謂之華
頂杖有龜頭山疊石硯一高不二寸其刃數百謂
之太湖硯有桐廬養和一怪形拳跼坐若變去謂
之烏龍養和有南海鱸魚殼樽一澀鋒齧角內玄
外黃謂之訶陵樽皆寄於不琢行以資雲水之興
止以益琴籍之玩真古人之雅貺也因思乘韋之

義不過於詞遂為五篇目之曰五賦兼請魯望同
作

五瀉舟

何事有青錢因人買釣船
濶容魚餌坐深許共蓑眠
短好隨朱鷺輕堪倚白蓮
自知無用處卻寄五湖仙

華頂杖

金庭仙樹枝道客自攜持
探洞求丹粟挑雲覓白芝
量泉將濯足闌鶴把支頤
以此將為贈惟君盡得知

太湖硯

求於花石間怪狀乃天然中瑩五寸劔外老千疊蓮月
融還似洗雲濕便堪研寄與先生後應添內外篇

烏龍養和

壽木拳數尺天生形狀幽把疑傷虺節用恐破蛇瘤置
合月觀內買須雲肆頭料君攜去處煙雨太湖舟

訶陵樽

一片鱉魚殼其中生翠波買須能一作饒紫貝用合對紅

螺盡瀉判狂藥禁敲任浩歌明朝與君後爭那玉山何

早春病中書事寄魯望

眼暈見雲母耳虛聞海濤惜春狂似蝶養病躁於猿
案靜方書古堂空藥氣高可憐真宰意偏解困吾曹

又寄次前韻

病根冬養得春到一時生眼暗憐晨慘心寒怯夜清
妻仍嫌酒癖醫只一作禁詩情應被高人笑憂身不似名

秋晚留題魯望郊居二首

竹樹冷蕩落入門神已清寒
蛩傍枕響秋菜上牆生黃
犬病仍吠白驢飢不鳴
唯將一杯酒盡日慰劉楨

冷卧空齋內餘醒夕未消
秋花如有恨寒蝶似無慘
簷上落鬪雀籬根生晚潮
若論羈旅事猶自勝臯橋

初冬章上人院

寒到無妨睡僧吟不廢禪
尚闕經病鶴猶濾欲枯泉
靜案貝多紙閒爐波律烟
清譚兩三句相向自翛然

臨頓里名為吳中偏勝之地
陸魯望居之不出鄂

郭曠若郊墅余每相訪款然惜去因成五言十

首奉題屋壁

一方蕭灑地之子獨深居繞屋親栽竹堆床手寫書高
風翔砌鳥暴雨失池魚暗識歸山計村邊買鹿車

籬疎從綠槿簷亂任黃茅壓酒移谿石煎茶拾野菓靜
窗縣雨笠間壁挂烟匏支遁今無骨誰為世外交

繭稀初上簇酷盡未乾牀盡日留蠶母移時祭麴王趁
泉澆竹急候雨種蓮忙更葺園中景應為顧辟疆

靜僻無人到幽深每自知鶴來添口數琴到並家資壞
塹生魚沫頽簷落燕兒空將綠蕉葉來往寄閒詩

夏過無擔石日高開板扉僧雖與筒草人不典蕉衣鶴
靜共眠覺鷺馴同釣歸生公石上月何夕約譚微

經歲岸烏紗讀書三十車水痕侵病竹蛛網上衰花詩
任傳漁客衣從進酒家知君秋晚事白幘刈胡麻

寂歷秋懷動蕭條夏思殘久貧空酒庫多病束魚竿玄
想凝鶴扇清齋拂鹿冠夢魂無俗事夜夜到金壇

閉門無一事安穩臥涼天砌下翹飢鶴庭陰落病蟬倚
杉間抱易燒术靜論玄賴有包山客時時寄紫泉

病起扶靈壽翛然強到門與杉除敗葉為石整危根薜

蔓任

一作狂

遮壁蓮莖卧枕盆明朝有忙事台客斲桐孫

緩頰稱無利低眉號不能世情都太薄俗意就中憎雲
態不知驟鶴情非會徵畫臣誰奉詔來此寫姜肱

遊棲霞寺

不見明居士空山但寂寥白蓮吟次缺青霤坐來銷泉

冷無三伏松枯有六朝何時石上月相對論逍遙

旅舍除夜

永夜誰能守羈心不放眠挑燈猶故歲聽角已新年出
谷空嗟晚銜杯尚媿先晚來辭逆旅雪涕野槐天

魯望示廣文先生吳門二章情格高散可醒俗
態因追想山中風度次韻屬和存於詩編魯望
之命也

我見先生道休思鄭廣文鶴翻希作伴鷗却覓為羣逸

好冠清月高宜著白雲朝廷未無事爭任醉醺醺

能諳肉芝樣解講隱書文終古神仙窟窮年麋鹿羣行
厨煮白石卧具拂青雲應在雷平上支頤復半醺

虎丘寺殿前有古杉一本形狀醜怪圖之不盡
况百卉競媚若妬若媚唯此杉死抱竒節髡然
闖然不知雨露之可生也風霜之可瘁也乃造
化者方外之材乎遂賦三百言以見志

種日應逢晉枯來必自隨鰲狂將立處螭闕未開時卓

拳擲樁榦叉牙束戟枝初驚蟻篆活復訝猶狂癡勁質
如堯瘦貞容學舜徽勢能擒土伯醜可駭山祗虎爪擎
巖穩虬身脫浪歌槎頭脫似刷耕背利於錐突兀方相
脛鱗皴夏氏胝根應藏鬼血柯欲漏龍猿拗似神荼怒
呀如猱猢飢朽癰難可吮枯瘡一作腫不堪治一炷玄雲

拔三尋黑稍竒狼頭叢竪蠆尾掘攀垂目燥那逢燿
心開豈中鉞任苔為疥癬從蠹作瘡瘕品格齊遠鶴年
齡等寶龜將懷縮地力欲負拔山姿未倒防風骨初僵

負貳屍漆書明古本鐵室抗全師礮礪還無極伶俜又
莫持堅應敵駿骨文定寫紺皮蟠屈愁凌刹騰驥恐攫
池搶烟寒嶒嶒披蔦靜襪襪威仰誠難識句芒恐不知
好燒胡律看堪共達多期寡色諸芳笑無聲衆籟疑終
添八柱位未要一繩維盡日來唯我當春翫更誰他年
如入用直構太平基

新秋言懷寄魯望三十韻

新秋入破宅疎澹若平郊戶牖深如窟詩書亂似巢移

牀驚蟋蟀拂匣動蠨蛸靜把泉華掬間拈乳管敲檜身
渾箇矮石面得能顛小桂如拳葉新松似手梢鶴鳴轉
清角鷓下撲金髀合藥還慵服為文亦懶抄煩心入夜
醒疾首帶涼抓杉葉共如鏃藤絲勒似鞘債田含紫芋
低蔓隱青匏老柏渾如疥陰苔忽似膠王餘落敗塹胡
孟入空庖度日忘冠帶經時憶酒肴有心同木偶無舌
並金鏡興欲添玄測狂將換易爻達人唯落落俗士自
詭詭底力將排難何顏用解嘲欲銷毀後骨空轉坐來

胞猶豫應難抱狐疑不易包等閒逢毒蠱容易遇咆哮
時事方千蝸公途正二嶠名微甘世棄性拙任時拋白
日須投分青雲合定交任應同五柳歸莫捨三茅澗鹿
從來去烟蘿任溷殺狙公鬧後戲雲母病來蘄從此居
方丈終非競丰筭道窮應鬼遣性拙必天教無限踈慵
事憑君解一炮

奉和魯望秋日遣懷次韻

高蹈為時背幽懷是事兼神仙君可致江海我能淹共

守庚申夜同看乙巳占藥囊除紫蠹丹竈拂紅鹽與物
深無競於生亦太廡鴻災因足警魚禍為稀潛筆硯秋
光洗衣巾夏薜霑酒甌香竹院魚籠挂茅簷琴忘因拋
譜詩存為致戴茶旗經雨展石笋帶雲尖鶴共心情慢
烏同面色黔向陽裁白恰終歲憶貂襜取嶺為山障將
泉作水簾溪晴多晚鷺池廢足秋蟾破衲雖云補間齋
未辦苦共君還有役竟夕得厭厭

江南書情二十韻寄秘閣韋校書貽之商洛宋

先輩垂文二同年

四載加前字今來未改銜君批鳳尾詔我住虎頭巖李
氏唯謀逐臧倉只擬讒時訛輕五殺俗淺重三緘瘦去
形如鶴憂來態似獐才非師趙壹直欲效陳咸孤竹寧
收笛黃琮未作瑛作羊寧免狼為兔即須覓枕戶槐從
亞侵堦草嬾芟擁泉教咽壘石放巉巉掣釣隨心動
抽書任意炊茶教弩父摘酒遣熨童監默坐看山困清
齋飲水巖蘚生天竺履煙外

一作
壞

洞庭帆病久新烏帽

閒多著白衫藥苞陳雨匝詩草蠹雲函遣客呼林狝辭
人寄海城室唯搜古器錢只買秋杉寡合無深契相期
有至誠他年如訪問烟鷓暗彭彭

憶洞庭觀步十韻

前時登觀步暑雨正錚攢上戍看綿絕登村度石砭菴
花時有蔟溪鳥不成雙遠樹點黑稍遙峯露碧幢巖根
瘦似殼杉破腹一作破如腔校衫音絞漁人服苻簷野店
窗多攜白木鋪愛買紫泉缸仙犬聲音古遺民意緒厖

何文堪緯地底策可經邦自此將妻子歸山不姓龐

諫議以罷郡將歸以六韻賜示因竹訓獻

欲下持衡詔先容解印歸露濃春後澤霜薄霽來威舊
化堪治疾餘恩可療飢隔花攀去擢穿柳挽行衣佐理
能無取酬知力甚微空將千感淚異日拜黃扉

御定全唐詩卷六百十二

欽定四庫全書

御定全唐詩卷六百十三

皮日休

過

一作題

雲居院玄福上人舊居

重到雲居獨悄然，隔窗窺影尚疑禪。
不逢野老來聽法，猶見鄰僧為引泉。
龕上已生新石耳，壁間空帶舊茶烟。
南宗弟子時時到，泣把山花奠几筵。

陪江西裴公遊襄州延慶寺

丹霄路上歇征輪勝地偷閒一日身不暑前驅驚野鳥
唯將後乘載詩人巖邊候吏雲遮却竹下朝衣露滴新
更向碧山深處問不妨猶有草茅臣

西塞山泊漁家

白綸巾下髮如絲靜倚楓根坐釣磯中婦桑村挑葉去
小兒沙市買蓑歸雨來蓴菜流船滑春後鱸魚墜釣肥
西塞山前終日客隔波相羨盡依依

襄州春遊

信馬騰騰觸處行春風相引與詩情等閒遇事成歌詠

取次衝筵隱姓名映柳

一作竹

認人多錯誤透花窺鳥最

分明岑牟單絞何曾著莫道猖狂似禰衡

送從弟皮

一本無此字

崇歸復州

羨爾優游正少年竟陵煙

一作風

月似吳天車螯近岸無

妨

一作勞

取舫艦隨風不費牽處處路傍千頃稻家家門

外一渠蓮慙慙莫笑襄陽住為愛南溪

一作塘

縮項鰻

題潼關蘭若

潼津罷警有招提近百年無戰馬嘶壯士不言三尺劍
謀臣休道一丸泥昔時馳道洪波上今日宸居紫氣西
關吏不勞重借問棄繻生擬入耶溪

襄陽閒居與友生夜會

習隱悠悠世不知林園幽事遞相期
舊絲再上琴調晚壞葉重燒酒煖遲
三徑引時寒步月四隣偷得夜吟詩
草玄寂淡無人愛不遇劉歆更語誰

習池晨起

清曙蕭森載酒來涼風相引繞亭臺數聲翡翠肯人去
一番一作芙蓉含日開菱葉深深埋釣艇魚兒漾漾逐
流杯竹屏風下登山屐十宿高陽忘却迴

秋晚自洞庭湖別業寄穆秀才

破村寥落過重陽獨自櫻寧葺草房風捲紅蕉仍換葉
雨淋黃菊不成香野猿偷栗重窺戶落雁疑人更繞塘
他日若修耆舊傳為予添取此書堂

華山李鍊師所居

麻姑古貌上仙才謫向蓮峯管玉臺瑞氣染衣金液啟
香烟映面紫文開孤雲盡日方離洞雙鶴移時只有苔
深夜寂寥存想歇月天時下草堂來

宏詞下第感恩獻兵部侍郎

分明仙籍列清虛自是還丹九轉疎畫虎已成翻類狗
登龍纔變即為魚空慙季布千金諾但負劉弘一紙書
猶有報恩方寸在不知通塞竟何如

襄州漢陽王故宅

碑字依稀廟已荒，猶聞耆舊憶賢王。
園林一半為他主，山水虛言是故鄉。
戟戶野蒿生翠瓦，舞樓栖鴿汗雕梁。
柱天功業緣何事，不得終身似霍光。

傷盧獻秀才

獻有懲征賦一卷人為作注

懲征新價欲凌空，一首堪欺左太沖。
只為白衣聲過重，且非青漢路難通。
賈侯待寫過門下，詞客偷名入卷中。
手弄桂枝嫌不折，直教身歿負春風。

南陽

昆陽王氣已蕭疎，依舊山河捧帝居。
廢路塌平殘瓦礫，破墳耕出爛圖書。
綠莎滿縣年荒後，白鳥盈溪雨霽初。
二百年來霸王業，可知今日是丘墟。

秋晚訪李處士所居

門前襄水碧潺潺，靜釣歸來不掩關。
書閣鼠穿厨麓破，竹園霜後桔槔閒。
兒童不許驚幽鳥，藥草須教上假山。
莫為愛詩偏念我，訪君多得醉中還。

李處士郊居

石衣如髮小

水一作

溪清溪上柴門架樹成園裏水流澆

竹響窗中人靜下棋聲幾多狎鳥皆諳性無限幽花未
得名滿引紅螺詩一首劉楨失却病心情

送令狐補闕歸朝

文如日月氣如虹舉國重生正始風且願仲山居左掖
只憂徐邈入南宮朝衣正在天香裏諫草應焚禁漏中
為說明年今日事晉廷新拜黑頭公

洛中寒食二首

千門萬戶掩斜暉繡幃金銜晚未歸擊鞠王孫如錦地
鬪雞公子似花衣嵩雲靜對行臺起洛鳥閒穿上苑飛
唯有路傍無意者獻書未納問淮肥

遠近垂楊映鈿車天津橋影壓神霞弄春公子正回首
趁節行人不到家洛水萬年雲母竹漢陵千載野棠花
欲知豪貴堪愁處請看邛山晚照斜

登第後寒食杏園有宴因寄錄事宋垂丈同年
雨洗清明萬象鮮滿城車馬簇紅筵恩榮雖得陪高會

科禁惟憂犯列仙當醉不知開火日正貧那似看花年
縱來恐被青娥笑未納春風一宴錢

陳先輩故居

杉桂交陰一里餘逢人渾似洞天居千株橘樹唯沽酒
十頃蓮塘不買魚藜杖閒來侵徑竹角巾端坐滿樓書
襄陽無限煙霞地難覓幽竒似此殊

奉和魯望寒夜訪寂上人次韻

院寒青

一作清

靄正沈沈沈霜棧乾鳴入古林數葉貝書松

火暗一聲金磬檜烟深陶潛見社無妨醉殷浩譚經不
廢吟何事欲攀塵外契除君皆有利名心

江南道中懷茅山廣文南陽博士三首

寒嵐依約認華陽遙想高人卧草堂半日始齋青餽飯
移時空印白檀香鶴雛入夜歸雲屋乳管逢春落石牀
誰道夫君無伴侶不離窗下見羲皇

住在華陽第八天望君唯欲結良緣堂扃洞裏千秋燕

雁一作

厨盖巖根數斗

井一作

泉壇上古松疑度世觀中幽

鳥恐成仙不知何事迎新歲烏納裘中一覺眠

烏納裘出玉筠

集

五色香煙惹內文

許遠遊燒香五色烟

石飴初熟酒初微

一作

醺將

開丹竈那防鶴欲算碁圖却望雲海氣平

一作半

生當洞

見瀑冰初坼隔山聞如何世外無交者

許造與王羲之父
子為世外之

交一臥金壇只有君

奉和魯望早春雪中作吳體見寄

威仰噤死不敢語瓊花雲魄清珊珊溪光冷射觸鷓鴣

柳帶凍脆攢欄杆竹根乍燒玉節快酒面新潑金膏寒
全吳縹瓦千萬戶惟君與我如袁安

吳中言情寄魯望

古來儻父愛吳鄉一上昏臺不可忘愛酒有情如手足
除詩無計似膏肓宴時不輟琅書味齋日難判玉鱠香
為說松江堪老處滿船烟月濕莎裳

行次野梅

鳶拂蘿捎一樹梅玉妃無侶獨裛回好臨王母瑤池發

合傍蕭家粉水開，共月已為迷眼伴。
與春先作斷腸媒，不堪便向多情道。
萬片霜華雨損來。

揚州看辛夷花

臘前千朶亞芳叢，細膩偏勝素柰功。
螭首不言披曉雪，麝臍無主任春風。
一枝拂地成瑤圃，數樹參庭是藥宮。
應為當時天女服，至今猶未放全紅。

暇日獨處寄魯望

幽慵不覺耗年光，犀柄金徽亂一床。
野客共為賒酒計，

家人同作借書忙園蔬預遣分僧料廩粟先教算鶴糧
無限高情好風月不妨猶得事吾王

屐步訪魯望不遇

雪晴墟里竹歌斜蠟屐徐吟到陸家荒徑埽稀堆柏子
破扉開澀染苔花壁間定欲圖雙檜厨靜空如飯一麻
擬受太玄今不遇可憐遺恨似侯芭

開元寺客省早景即事

客省蕭條柿葉紅樓臺如畫倚霜空銅池數滴桂上雨

金鐸一聲松杪風，鶴靜時來珠像側。鴿馴多在寶幡中，
如何一作塵外虛為契，不得支公此會同。

奉和魯望獨夜有懷吳體見寄

病鶴帶霜傍獨屋，破巢含雪傾孤梧。濯足將加漢光腹，
抵掌欲捋梁武鬚。隱几清吟誰敢敵，枕琴高一作卧真
堪圖。此時枉欠高散物，楠瘤作樽石作壚。

病中有人惠海蟹轉寄魯望

紺甲青筐染苔衣，島夷初寄北人時。離居定有石帆覺

失伴唯應海月知，族類分明連瓊瑤。

瓊瑤似小蚌，有小蟹在腹中，瑤出求

食故淮海之人呼為蟹奴

形容好箇似蟛蜞，病中無用霜螯處。寄與

夫君左手持。

病中姜景頗阻追遊，因寄魯望。

癯牀閒卧晝迢迢，唯把真如慰寂寥。
南國不須收蕙苳，百年終竟是芭蕉。
藥前美祿應難斷，枕上芳辰豈易銷。
看取病來多少日，早梅零落玉華焦。

魯望以花翁之什見招，因次韻酬之。

九十攜鋤偃僂翁，小園幽事盡能通。
劇烟栽藥為身計，負水澆花是世功。
婚嫁定期杉葉紫，蓋藏應待桂枝紅。
不知家道能多少，只在句芒一夜風。

病中庭際海石榴花盛發感而有寄

一夜春光

一作工

縱絳囊碧油枝上晝煌煌，風勻祇似調

紅露日暖唯憂化，赤霜火齊滿枝燒。
夜月金津含藥滴，朝陽不知桂樹知情否。
無限同遊阻陸郎。

早春以橘子寄魯望

箇箇和枝葉捧鮮彩凝

一作疑

猶帶洞庭煙不為韓嫣金

九重直是周王玉果圓剖似石魂初破後弄如星髓未
銷前知君多病仍中聖盡送寒苞到枕邊

病中書情寄上崔諫議

時眼疾未平

十日來來曠奉公閉門無事忌春風蟲絲度日縈琴薦
蛀粉經時落酒筒馬足歇從殘漏外魚須拋在亂書中
慙勤莫怪求醫切只為山櫻欲放紅

病孔雀

煙花雖媚思沉冥，猶自擡頭護翠翎。
強聽紫簫如欲舞，困眠紅樹似依屏。
因思桂蠹傷飢骨，為憶松鵝損一作換一星星。

奉和魯望上元日道室焚修

明真臺上下，仙官玄藻初。
吟萬籟寒飈，御有聲時杳杳。
寶衣無影自珊珊，藥書乞見齋心易。
玉藉求添一作天拜首難端簡，不知清景暮靈蕪。
香燼落金壇。

奉詔魯望惜春見寄

十五日中春日好可憐沈痼冷如灰以前雖被愁將去

向後須教醉

一作酒

領來梅片盡飄輕粉靨柳芽初吐爛

金醅病中無限花番次為約束風且住開

聞魯望遊顏家林園病中有寄

一夜韶姿著水光謝家春草滿池塘細挑泉眼尋新脉

輕把花枝嗅

一作換

宿香蝶欲試飛猶護粉鶯初學囀尚

羞黃分明不得同君賞盡日傾心羨索郎

奉和魯望春雨即事次韻

織恨凝愁映鳥飛
半旬飄灑掩韶暉
山容洗得如烟瘦
地脉流來似乳肥
野客正門移竹遠
幽人多病探花稀
何年細濕華陽道
兩乘巾車相並歸

魯望春日多尋野景日休抱疾杜門因有是寄
野侶相逢不待期
半緣幽事半緣詩
烏紗任岸穿筋竹
白袷從披趁肉芝
數卷蠹書基處展
幾升菰米釣前炊
病中不用君相憶
折取山櫻寄一枝

魯望以躬掇野蔬兼示雅什用以訓謝

杖擿春烟暖向陽煩君為我致盈筐深挑乍見牛脣液

爾雅云黃牛脣一名水藹細掐徐聞鼠耳香

本草云葉似鼠耳莖亦可生食

紫甲採

從泉脉畔翠牙搜白石根傍彫胡飯熟餽餠軟不是高
人不合嘗

卧病感春寄魯望

烏皮几上困騰騰玉柄清羸媿不能昨夜眠時稀似鶴
今朝餐數減於僧藥銷美祿應

一作因

天折醫過芳辰定

鬼憎任是雨多遊未得也須收在探花朋

奉和魯望徐方平後聞赦次韻

金雞煙外上臨軒紫誥新
垂作解恩涿鹿未銷初敗血
新安頓雪已坑魂空林葉盡
蝗來郡腐骨花生戰後村
未遣蒲車問幽隱共君應老
抱桐孫

奉詔魯望見荅魚牋之什

輕如隱起膩如飴除却鮫工
解製稀欲寫恐成河伯詔
試裁疑是水仙衣毫端白獺
脂猶濕指下冰蠶子欲飛
若用莫將閒處去好題春思
贈江妃

病後春思

連錢錦暗麝氛氳荆思多才詠鄂君孔雀銜寒窺沼見
石榴紅重墮堦聞牢愁有度應如月春夢無心祇似雲
應笑病來慙滿願花牋好作斷腸文

偶成小酌招魯望不至以詩為解因次韻酬之
醉侶相邀愛早陽小筵催辦不勝忙衝深柳駐吳娃憶
倚短花排羯鼓牀金鳳欲為鶯引去鈿蟬疑被蝶勾將
如何共是忘形者不見漁陽摻一場

以紗巾寄魯望因而有作

周家新樣替三梁

頭巾起後
周武帝

裏髮偏宜白面郎掩歛乍

疑裁黑霧輕明渾似戴玄霜今朝定見看花晏明日應
聞漉酒香更有一般君未識虎文巾在絳霄房

臨頓宅將有歸于

一作
于歸

之日魯望以詩見貺因

抒懷訓之

共老林泉忍暫分此生應不識迴文幾枚竹筍送德曜
一乘柴車迎少君舉案品多緣澗藥承家事少為谿雲

居然自是幽人事，輒莫教他孫壽聞。

奉和魯望謝惠巨魚之半

釣公來信自松江，三尺春雲撥刺霜。
腹內舊鉤苔染澀，腮中新餌藻和香。
冷鱗中斷榆錢破，寒骨平分玉筋光。
何事貺君偏得所，祇緣同是越航郎。

館娃宮懷古

豔骨已成蘭麝土，宮牆依舊壓層崖。
弩臺雨壞逢金鏃，香徑泥銷露玉釵。
硯沼只留溪一作山鳥浴，屨廊空信一作

任
野花埋姑蘇麋鹿真閒事須為當時一愴懷

以紫石硯寄魯望兼酬見贈

樣如金蹙小能輕微潤將融紫玉英石墨一研為鳳尾
寒泉半勺是龍睛騷人白芷傷心暗狎客紅筵奪眼明
兩地有期皆好用不須空把洗溪聲

奉和魯望同遊北禪院

戚歷杉陰入草堂老僧相見似相忘吟多幾轉蓮花漏
坐久重焚柏子香魯慣齋時分淨食鵠能閒處傍禪牀

雲林滿眼空羈滯欲對彌天卻自傷

孫發百篇將遊天台請詩贈行因以送之

孫子荆家思有餘元戎曾薦入公車百篇宮體喧金屋
一日官銜下玉除紫府近通齋後夢赤城新有寄來書
因逢二老如相問正滯江南為鮑魚

奉和魯望薔薇次韻

誰繡連延滿戶陳暫應遮得陸郎貧紅芳掩斂將迷蝶
翠蔓飄飄欲挂人低拂地時如墮馬高臨牆處似窺鄰

祇應是董雙成戲剪得神霞寸寸新

聞開元寺開筍園寄章上人

園籜開聲駭鹿羣滿林鮮籜水犀文森森競泣林梢雨
巉巉一作爭穿石上雲並出亦如鵝管合各生還似犬
牙分折煙束露如相遺何屑明朝不如葷

開元寺佛鉢詩并序

按釋法顯傳云佛鉢本在毘舍離今在乾陀衛竟
若干百年當復至西月支國若干百年至于闐國

若千百年當至屈茨國若干百年當復來漢地晉
建興二年二聖像浮海而至滬瀆僧尼輩取之以
歸今存于開元寺後建興八年漁者於滬瀆沙汭
上獲之以為白類乃葷而用焉俄有佛像見於外
漁者始為異意滬瀆二聖之遺祥也乃以鉢供之
迄今尚存余遂觀而為之詠因寄天隨子

帝青石作綠冰姿

佛律云此鉢帝青玉
石也四天王所獻也

曾得金人手自

持拘律樹邊齋散後提羅花下洗來時乳麋味斷中天

吹
覺麥麩香消大劫知從此共君親頂戴斜風應不等閒

夏首病愈因招魯望

曉入清和尚袷衣夏陰初合掩雙扉一聲撥穀桑柘晚
數點春鋤烟雨微貧養山禽能箇瘦病關芳草就中肥
明朝早起非無事買得蓴絲待陸機

奉和魯望新夏東郊閒泛

一本此下有見
懷次韻四字

水物輕明淡似秋多情才子倚蘭舟碧莎裳下攜詩草

黃篋樓中挂酒菊蓮葉蘸波初轉權魚兒簇餌未諳鉤

共君莫問當時事一點沙禽

一作鷗

勝五侯

奉和魯望四月十五日道室書事

望朝齋戒是尋常靜

一作盡

啟金根

經名

第幾章竹葉飲為

甘露色蓮花鮓作肉芝香松膏昔日

一作雨

凝雲磴丹粉

經年染石牀剩欲與君終此志頑仙唯恐鬢成霜

奉和魯望看壓新醕

一本此下有次韻二字

一簣松花細有聲旋將渠椀撇寒清秦吳只恐芻來近

劉項真能釀得平酒德有神多客頌醉鄉無貨沒人爭
五湖烟水郎山月合向樽前問底名

登初陽樓寄懷北平郎中

危樓新製號初陽白粉青葦射沼光避酒幾浮輕舫
下棋曾覺睡鴛鴦投鉤列坐圍華燭格籥分朋占靚妝
莫怪重登頻有恨二年曾侍一作舊吳王

夏初訪魯望偶題小齋

半里芳陰到陸家藜牀相勸飯胡麻林間度宿拋碁局

壁上經旬挂釣車野客病時分竹米鄰翁齋日乞藤花
踟躕未放閒人去半片紗帽待月華

所居首夏水木尤清適然有作

病來無事草堂空畫水一作永休聞十二筒桂靜似逢青

眼客松間如見綠毛翁潮期暗動庭泉碧梅信微侵地
障紅盡日枕書慵起得被君猶自笑從公

重玄寺元達年逾八十好種名藥凡所植者多
至自天台四明包山句曲叢翠紛糝各可指名

余竒而訪之因題二章


雨滌烟鋤偃僂賫

一作偃
破籬

紺牙紅甲兩三畦藥名卻笑

桐君少年紀翻嫌竹祖低白石靜敲蒸朮火清泉間洗
種花泥怪來昨日休持鉢一尺彫胡似掌齊

香蔓蒙籠覆昔邪桂烟杉露濕袈裟石盆換水撈松葉
竹徑穿牀避笋芽藜杖移時挑細藥銅餅盡日灌幽花
支公謾道憐神駿不及今朝種一麻



御定全唐詩卷六百十三

欽定四庫全書

集部

御定全唐詩卷六百十六
四至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣張鴻恕

欽定四庫全書

御定全唐詩卷六百十四

皮日休

懷華陽潤卿博士三首

先生一向事虛皇
天市壇西與世忘
環堵養龜看氣訣
刀圭餌犬試仙方
靜探石腦衣裾潤
閒鍊松脂院落香
聞道微賢須有詔
不知何日到良常

冥心唯事白英君
不問人間爵與勳
林下醉眠仙鹿見

洞中間話隱芝聞石牀卧苦渾無蘚藤篔簹開稀恐有雲
料得虛皇新詔樣青瓊板上綠為文

鳳骨輕來稱瘦容華陽館主未成翁

陶隱君昔為華陽館主

數行

玉札存心久一掬雲漿漱齒空白石煮多重屋黑丹砂
埋久染泉紅他年欲事先生去十賚須加陸逸冲

逸冲嘗事

隱居隱居錫名棲靜處士十賚猶人間九錫也

魯望以竹夾膝見寄因次韻訓謝

圓於玉柱滑於龍來自衡陽彩翠中拂潤恐飛清夏雨

叩虛疑貯碧湘風大勝書客裁成東頗賽溪翁截竹筒
從此角巾因爾戴俗人相訪若為通

夏景無事因懷章來二上人二首

澹景微陰正送梅幽人逃暑癭桷杯水花移得和魚子
山蕨收時帶竹胎嘯館大都偏見一作得月醉鄉終竟不

聞雷更無一事唯留客卻被高僧怕不來

佳樹盤珊枕草堂此中隨分亦閒忙平鋪風簟尋琴譜
靜掃烟窗著藥方幽鳥見貧留好語白蓮知卧送清香

從今有計消閑日更為支公置一牀

寄瓊州楊舍人

德星芒彩瘴天涯酒樹堪消謫宦嗟行邁竹王因設奠
尼逢木客又遷家清齋淨澣枕椰麪遠信閒封豸蕊花
清切會須歸有日莫貪句漏足丹砂

魯望以輪鉤相示緬懷高致因作三篇

角柄孤輪細膩輕翠蓬十載伴君行
撚時解轉蟾蜍魄
拋處能啼絡緯聲
七里灘波喧一舍
五雲溪月靜三更

朱衣耐足和蓑睡誰信人間有利名

一線飄然下碧塘溪翁無語遠相望蓑衣舊去烟披重

筠笠新來雨打香白鳥白蓮為夢寐清風清月是家鄉

明朝有物充君信攜酒三鉸寄夜航

攜酒出
沈約集

盡日幽然舴艋輕小輪聲細雨漠漠三尋絲帶桐江爛
一寸鉤含笠澤腥用近詹何傳釣法和范蠡養魚經
孤蓬半夜無餘事應被嚴灘聒酒醒

吳中書事寄漢南裴尚書

萬家無事鏢蘭撓鄉味腥多厭紫鷺

江文通集云紫鷺石劫也

水似

碁文交度郭柳如行障儼遮橋青梅蒂重初迎雨白鳥
羣高欲避潮唯望舊知憐此意得為信鬼也逍遙

夏景沖澹偶然作二首

祇隈蒲褥岸烏紗味道澄懷景更斜紅印寄泉慙郡守
青筐與笋媿僧家茗爐盡日燒松子書按經時剥瓦花
園吏暫棲君莫笑不妨猶更著南華

一室無喧事事幽還如貞白在高樓天台畫得千迴看

湖目

一作月

芳來百度遊

湖目蓮子也

無限世機吟處息幾多

身計釣前休他年謁帝言何事請贈劉伶作醉侯

送李明府之任海南

五羊城在屨樓邊墨綬垂腰正少年山靜不應聞屈鳥
草深從使翳貪泉蟹奴晴上臨潮檻燕婢秋隨過海船
一事與君消遠宦乳蕉花發訟庭前

寄題羅浮軒轅先生所居

亂峯四百三十二

羅浮山峯數

欲問徵君何處尋紅翠

山鳥名

數聲瑤室響

山有瑛房
室七十有二

真檀一炷石樓深
山都遣負

沽來酒樵客
容看化後金
從此謁師知
不遠求官先有

葛洪心

宿報恩寺水閣

寺鑣雙峰寂
不開幽人中
夜獨襄回池
文帶月鋪金
蓮奈含風動
玉杯往往竹
梢搖翡翠時
時杉子擲莓
苔
可憐此際誰
曾見
唯有支公
盡看來

醉中偶作呈魯望

谿雲澗鳥本吾儕剛為浮名事事乖十里尋山為思役
五更看月是情差分將吟咏華霜鬢力以壺觴固百骸
爭得草堂歸卧去共君同作太常齋

寄滑州李副使員外

兵繞臨淮數十重鐵衣才子正從公軍前草奏旄頭下
城上封書箭筈中圍合只應聞曉雁血腥何處避春風
故人勲重金章貴猶在江湖積劒功

傷史拱山人

一緘幽信自襄陽上報先生去歲亡山客為醫翻貫藥
野僧因弔卻焚香峰頭孤冢為雲穴松下靈筵是石牀
宗炳死來君又去終身不復到柴桑

吳中言懷寄南海二同年

曲水分飛歲已賒東南為客各天涯退公只傍蘇勞竹
移宴多隨末利花銅鼓夜敲溪上月布帆晴照海邊霞
三年謾被鱸魚累不得橫經侍絳紗

奉和魯望白鷗詩

雪羽離襟半惹泥海雲深處舊巢迷池無飛浪爭教舞
洲少輕沙若遣棲烟外失羣慙雁鷺波中得志羨鳧鷖
主人恩重真難遇莫為心孤憶舊溪

奉和魯望懷揚台文揚鼎文二秀才

羊曇留我昔經春各以篇章鬪五雲賓草每容閒處見
擊琴多任醉中聞釣前青翰交加倚醉後紅魚取次分
為說風標曾入夢上仙初著翠霞裙

友人以人參見惠因以詩謝之

神草延年出道家

神草別名

是誰披露記三極開時的定涵

雲液刷後還因帶石花名士寄來消酒渴野人煎處撇
泉華從今湯劑如相續不用金山焙上茶

傷進士嚴子重詩

并序

余為童在鄉校時簡上抄杜舍人牧之集見有與
進士嚴憚詩後至吳一日有客曰嚴某余志其名
久矣遽懷文見造於是樂得禮而觀之其所為工
於七字往往有清便柔媚時可軼駭於常軌其佳

者曰春光冉冉歸何處更向花前把一杯盡日間
花花不語為誰零落為誰開余美之諷而未嘗怠
生舉進士亦十餘計偕余方寃之謂乎竟有得於
時也未幾歸吳興後兩月咸通十一年也雪人至云生以
疾亡於所居矣噫生徒以詞聞於士大夫竟不名
而逝豈止此而湮沒耶江湖間多美材士君子苟
樂退而有文者死無不為時惜可勝言耶於是哭
而為詩魯望生之友也當為我同作

十哭都門勝上塵蓋指終是五湖人生前有敵唯丹桂
沒後無家祇白蘋若下斬新醒處月江南依舊詠來春
知君精爽應無盡必在鄧都頌帝晨

梁成鄧都官頌
紉絕標帝晨

奉和魯望早秋吳體次韻

書淫傳癖窮欲死詭詭何必頻相仍日乾陰蘚厚堪剥
藤把歌松半似繩搗藥香侵白衿袖穿雲潤破烏紗稜
安得瑤池飲殘酒半醉騎下垂天鵬

奉和魯望秋賦有期次韻

十載江湖

一作南

盡是閒客兒詩句滿人間
邵侯聞譽親

邀得鄉老知名不放還
應帶瓦花經汴水更攜雲實出
包山太微宮裏環岡樹無限
瑤枝待爾攀

奉和魯望病中秋懷次韻

貧病於君亦太蕪才高應亦被天嫌
因分鶴料家資減
為置僧餐口數添
靜裏改詩空凭几
寒中注易不開簾
清詞一一侵真宰
甘取窮愁不用占

新秋即事三首

癡號多於顧愷之更無餘事可從知酒坊吏到常先見
鶴料符來每探支

吳郡有
鶴料案

涼後每謀清月社晚來專赴

白蓮期共君無事堪相賀又到金鑿玉鱸時

堪笑高陽病酒徒幅巾瀟灑在東吳秋期淨掃雲根瘦
山信迴緘乳管粗白月半窗抄木序清泉一器授芝圖
乞求待得西風起盡挽煙帆入太湖

露槿風衫滿曲除高秋無事似雲廬醉多已任家人厭
病久還甘吏道疎青桂巾箱時寄藥白綸卧具半拋書

君卿脣舌非吾事且向江南問鰻魚

南陽潤卿將歸雷平因而有贈

借問山中許道士此迴歸去復何如竹屏風扇抄遺事
拓步輿竿繫隱書絳樹實多分紫鹿丹砂泉淺種紅魚
東卿旄節看看至靜啟茅齋慎掃除

訪寂上人相遇

何處尋雲暫廢禪客來還寄草堂眠桂寒自落翻經葉
石冷空消洗鉢泉爐裏尚飄殘玉篆龕中仍鑱小金仙

須將二百籤迴去得一作待得支公恐隔年

顧道士亡弟子以束帛乞銘于余魯望因賦戲

贈日休奉和

師去東華卻鍊形門人求我誌金庭大椿枯後新為記

仙鶴亡來始有銘前朝文集未
有道士銘誌瓊板欲刊知不朽冰紈

將受恐通靈君才莫歎無茲分合注神玄劍解經

秋夕文宴得遙字

啼螿衰葉共蕭蕭文宴無喧夜轉遙高韻最宜題雪譜

逸才偏稱和雲謠
風吹翠蠟應難刻
月照清香太易消
無限玄言一杯酒
可能容得蓋寬饒

南陽廣文欲於荆襄卜居因而有贈

地脉從來是福鄉
廣文高致更無雙
青精飯熟雲侵竈
白糲裘成雪濺窗
度日竹書千萬字
經冬木煎兩三缸
鱸魚自是君家味
莫背松江憶漢江

寄毘陵魏處士朴

文籍先生不冝官
絮巾衝雪把魚竿
一堆方冊為侯印

三級幽巖是將臺醉少最因吟月冷瘦多偏為卧雲寒
兔皮衾暖蓬舟穩欲共誰遊七里灘

初冬偶作寄南陽潤卿

寓居無事入清冬雖設樽罍酒半空白菊為霜翻帶紫
蒼苔因雨卻成紅迎潮預遣收魚笱防雪先教蓋鶴籠
唯待支硯最寒夜共君披氎訪林公

冬曉章上人院

山堂冬曉寂無聞一句清言憶領軍琥珀珠黏行處雪

稜攔帚掃卧來雲松扉欲啟如鳴鶴石鼎初煎若聚蚊
不是戀師終去晚陸機茸內足毛羣

寄題鏡巖周尊師所居

并序

處州仙都山之半有洞口下望之如鑑目之曰
鏡巖下去地二百尺上者以竹梯為級中如方丈
內有乳水滴瀝嵌罅黃老徒周君景復居焉迨八
十年不食乎粟日唯焚降真香一炷讀靈寶度人
經而已東牟段公柯昔為州日聞其名梯其室以

造之且曰君居此久矣乳水之滴晝夜可知量乎
周君曰某常揣之晝晝與夜一斛加半焉公異而
禮之後柯別十二年日休至吳處人過說周君尚
存吟想其道無由以覩因寄題是詩云

八十餘年住鏡巖鹿皮巾下雪髭髭牀寒不奈雲縈枕
經潤何妨雨滴函飲澗猿迴窺絕洞緣梯人歇倚危杉
如何計吏窮於鳥欲望仙都舉一帆

寒夜文宴得泉字

分明競爨七香牋
王朗風姿盡列仙
盈篋共開華頂藥
滿餅同圻惠山泉
蟹因霜重金膏溢
橘為風多玉腦鮮
吟罷不知詩首數
隔林明月過中天

庚寅歲十一月新羅弘惠上人與本國同書請
日休為靈鷲山周禪師碑將還以詩送之

三十麻衣弄渚禽
豈知名字徹雞林
勒銘雖即多遺草
越海還能抵萬金
鯨鬣曉掀峰正燒
鼇睛夜沒島還陰

一作
深 二千餘字終天別
東望辰韓淚灑襟

送潤卿博士還華陽

雪打蓬舟離酒旗，華陽居士半酣歸。
逍遙只恐逢雲將，恬澹真應降月妃。
仙市鹿胎如錦嫩，陰宮燕肉似酥肥。
公車草合蒲輪壞，爭不教他白日飛。

寒日書齋即事三首

參佐三間似草堂，恬然無事可成忙。
移時寂歷燒松子，盡日殷勤拂乳牀。
將近道齋先衣褐，欲清詩思更焚香。
空庭好待中宵月，獨禮星辰學步罡。

不知何事有生涯
皮褐親裁學道家
深夜數甌唯柏葉
清晨一器是雲華
盆池有鷺窺蘋沫
石版無人掃桂花
江漢欲歸應未得
夜來頻夢赤城霞

方朔家貧未有車
官從榮利捨樵漁
從公未怪多侵酒
見客唯求轉借書
暫聽松風生意足
偶看溪月世情疎
如鉤得貴非吾事
合向煙波為五魚

松江有五魚

臘後送內大德從最遊天台

講散重雲下九天
大君恩賜許隨緣
霜中一鉢無辭乞

湖上孤舟不廢禪夢入瓊樓寒有月

天台山有金庭不
死之鄉及瓊樓玉

室行過石樹凍無煙

按消山有石樓樹吳大皇元年郡
吏伍曜於海際得之枝莖紫也有

光南越謂之
石連理也

他時瓜鏡知何用吳越風光滿御筵

寄題玉霄峰葉涵象尊師所居

青冥向上玉霄峰元始先生戴紫蓉
曉案瓊文光洞壑
夜檀香氣惹杉松
閒迎仙客來為鶴
靜喫靈符去是龍

子細捫心無偃骨

偃骨在胸者
名入星骨

欲隨師去冒相容

奉和魯望寄南陽廣文

一本此下有
還雷平二字

次韻

春彩融融釋凍塘日精閒噉坐巖房瓊函靜啟從猿覩
金液初開與鶴嘗八會舊文多搭一作榻寫七真遺語剩
思量不知夢到為一作驚何處紅藥滿山烟月香

題支山南峰僧

雲侵壞衲重隈肩不下南峯不記年池裏羣魚曾受戒
林間孤鶴欲參禪雞頭竹上開危徑鴨腳花中擲廢泉
無限吳都堪賞事何如來此看師眠

送董少卿游茅山

名卿風度足杓斜一舸閒尋二許家天影曉通金井水
山靈深護玉門沙空壇禮後銷香母陰洞綠時觸乳花
盡待于公作廷尉

卿嘗為大理用法有廉平之稱

不須從此便餐霞

誄魯望見迎綠扇次韻

輕裁鴨綠任金刀不怕西風斲野蒿
誄贈既無青玉案
織華猶欠赤霜袍
煙披怪石難同逸
竹映山禽未勝高
成後料君無別事
只應酣飲詠離騷

寄懷南陽潤卿

鹿門山下捕魚郎，今向江南作渴羌。
無事只陪看藕樣，有錢唯欲買湖光。
醉來渾忘移花處，病起空聞焙藥香。
何事對君猶有媿，一蓬衝雪返華陽。

魯望憫承吉之孤為詩序，邀予屬和，欲用予道
振其孤而利之。噫，承吉之困身後乎？魯望視予
困與承吉生前孰若？一作哉，未有已困而能振
人者，抑為之辭，用塞良友。

先生清骨，葬烟霞業，破孤存，孰為嗟。幾箇詩篇，分貴位。

一林石笋散豪家兒過舊宅啼楓影姬繞荒田泣稗花
唯我共君堪便戒莫將文譽作生涯

寄潤卿博士

高眠可為要玄纁鵲尾金爐一世焚

陶貞白有金鵲尾香爐

塵外

鄉人為許椽山中地主是茅君將收芝菌唯防雪欲臘
圖書不奈雲若使華陽終卧去漢家封禪用誰文

奉和魯望白菊

已過重陽半月天琅華千點照寒烟藥香亦似浮金曆

花樣還如鏤玉錢
玩影馮妃堪比豔
鍊形蕭史好爭妍
無由擲向牙箱裏
飛上方諸贈列仙

華亭鶴聞之舊矣
及來吳中以錢半千得一隻
養之殆經歲不幸為飲啄所悞
經久而卒悼之不已
遂繼以詩南陽潤卿博士浙東德師侍御
毘陵魏不琢處士東吳陸魯望秀才及厚於予
者悉寄之請垂見和

池上低摧病不行
誰教仙魄反層城
陰苔尚有前朝跡

皎月新無昨夜聲
菰米正殘三日料
筠籠休礙九霄程
不知此恨何時盡
遇著雲泉即愴情

傷開元觀顧道士

協晨宮上啟金扉
詔使先生坐蛻歸
鶴有一聲應是哭
丹無餘粒恐潛飛
烟淒玉笥封雲篆
月慘琪花葬羽衣
腸斷雷平舊遊處
五芝無影草微微

醉中即席贈潤卿博士

適越遊吳一散仙
銀餅玉柄兩脩然
茅山頂上攜書麈

笠澤心中漾酒船
桐木布溫吟倦後
桃花飯熟醉醒前
謝安四十餘方起
猶自高閒得數年

偶留羊振文先輩及一二文友小飲日休以眼
病初平不敢飲酒遣侍密歡因成四韻

謝莊初起恰花晴
強侍紅筵不避觥
久斲杯盃華蓋喜
忽聞歌吹谷神驚
襪正重新開柳
咕囁難通乍嚙鶯
猶有僧虔多密炬
不辭相伴到天明

奉送浙東德師侍御罷府西歸

建安才子太微仙暫上金臺許二年形影欲歸溫室樹
夢魂猶傍越溪蓮空將海月為京信尚使樵風送酒船
從此受恩知有處免為僇鬼恨吳天

送羊振文先輩往桂陽歸覲

桂陽新命下彤墀彩服行當欲雪時登第已聞傳襮賦
問安猶聽講韓詩竹人臨水迎符節

曹昆湘中賦云質
當中實內有實狀

如人

風母穿雲避信旗

桂陽山中有風母
獸擊殺見風輒活

無限湘中悼

騷恨憑君此去謝江蘿

褚家林亭

廣亭遙對舊娃宮
竹島蘿溪委曲通
茂苑樓臺低檻外
太湖魚鳥徹池中
蕭疎桂影移茶具
狼籍蘋花上釣筒
爭得共君來此住
便披鶴氅對清風

送圓載上人歸日本國

講殿談餘著賜衣
柳帆卻返舊禪扉
貝多紙上經文動
如意餅中佛爪飛
颺母影邊持戒宿
波神宮裏受齋歸
家山到日將何入

一作

白象新秋十二圍

重送

雲濤萬里最東頭射馬臺深玉署秋

射馬臺即今王城也

無限屬

城為鞞國幾多分界是亶州

州在會稽海外傳是徐福之裔

取經海底

開龍藏誦咒空中散蜃樓不奈此時貧且病乘桴直欲

伴師遊

潤卿遺青餽飯蕪之一絕聊用荅謝

傳得三元餽飯名大宛聞說有仙卿

案西梁子文撰黃錦素書十通其二

傳大宛北谷子自號青精先生

分泉過屋春青稻

此飯以青龍稻為之

拂霧褰衣

折紫莖

南稻莖
微紫色

蒸處不教雙鶴見
服來唯怕五雲生
草

堂空坐無飢色
時把金津漱一聲

鴛鴦二首

雙絲絹上為新樣
連理枝頭是故園
翠浪萬迴同過影
玉沙千處共棲痕
若非足恨佳人魄
即是多情年少魂
應念孤飛爭別宿
蘆花蕭瑟雨黃昏

鈿鏡雕鏤費深功
舞妓衣邊繡莫窮
無日不來湘渚上
有時還在鏡湖中
烟濃共拂芭蕉雨
浪細雙遊菡萏風

應笑豪家鸚鵡伴年年徒被鎖金籠

御定全唐詩卷六百十四